

2436

宋六十名家詞

冊十

卷之十一 雜著

蘆川詞

目錄

賀新郎二調

滿江紅一調

蘭陵王二調

念奴嬌六調

石州慢二調

永遇樂二調

八聲甘州二調

水調歌頭十四調

風流子一調

魚遊春水一調

寶鼎現一調

祝英臺近一調

朝中措一調

蝶戀花一調

沁園春二調

臨江仙四調

醉落魄四調

南歌子四調

卜算子四調

浣溪紗十五調

柳梢青二調

醉花陰二調

長相思令二調

如夢令三調

春光好二調

虞美人一調

青玉案七調

點絳脣九調

虞美人三調

漁家傲三調

謁金門三調

瑞鷗鴂二調

好事近四調

怨王孫二調

喜遷鶯令一調

鶴沖天一調

喜遷鶯慢 一調

鷓鴣天 一調

憶秦娥 一調

明月逐人來 一調

小重山 一調

上西平 一調

春光好 二調

清平樂 二調

菩薩蠻 六調

樓上曲 二調

荳葉黃 三調

滿庭芳 四調

瑞鶴仙 二調

瑤臺第一層 二調

望海潮 二調

十月桃 二調

感皇恩 四調

夏雲峯 一調

千秋歲 一調

水龍吟 一調

南鄉子 一調

捲珠簾 一調

醉蓬萊 一調

隴頭泉 一調

天仙子 一調

鵲橋仙 一調

漁父家風 一調

生查子 一調

減字木蘭花 一調

眼兒媚 一調

昭君怨 一調

夜遊宮 一調

綵鸞歸令 一調

江神子 一調

西江月 一調

訴衷情 一調

採桑子 一調

菩薩蠻 二調

浣溪紗 一調

好事近 一調



南歌子 一調

點絳脣 一調

驀山溪 一調

醉花陰 一調

花心動 一調

踏莎行 一調

蘆川詞目錄

宋六十名家詞 蘆川詞目錄

二 中華書局聚



蘆川詞

宋 張元幹

賀新郎 送胡邦衡待制赴新州

夢繞神州路。悵秋風、連營畫角，故宮離黍。底事崑崙  
傾砥柱。九地黄流亂注，聚萬落千村狐兔。天意從來  
高難問。況人情、老易悲難訴。更南浦、送君去。涼生  
岸柳催殘暑。耿斜河、疏星淡月，斷雲微度。一作雨萬  
里江山知何處。回首對牀夜語。雁不到、書成誰與目。  
盡青天懷今古。肯兒曹、恩怨相爾汝。舉大白、聽金縷。  
又寄李伯紀丞相

曳杖危樓去。斗垂天、滄波萬頃，月流煙渚。掃盡浮雲  
風不定。未放扁舟夜渡。宿雁落寒蘆。深處悵望關河，  
空弔影、正人間、鼻息鳴鼉鼓。誰伴我、醉中舞。十年  
一夢揚州路。倚高寒、愁生故國，氣吞驕虜。要斬樓蘭  
三尺劍。遺恨琵琶舊語。漫暗澀銅華。潤一作拭塵土。  
喚取謫仙平章看。過苕溪、尚許垂綸否。風浩蕩、欲飛  
一作輕舉

滿江紅 自豫章阻風吳城山作 ○或作春暮誤

○或誤入片玉集

春水迷天桃花浪。幾番風惡雲乍起。遠山遮盡晚風

還作綠偏芳洲生杜若楚帆帶雨煙中落傍向來沙  
嘴共停橈傷飄泊寒猶在衾偏薄腸欲斷愁難著  
倚篷窗無寐引杯孤酌寒食清明都過卻最憐輕負  
年時約想小樓終日望歸舟人如削

蘭陵王春恨

卷珠箔朝雨輕陰乍閣闌干外煙柳弄晴芳草侵階  
映紅藥東風妬花惡吹落梢頭嫩萼屏山掩沈水倦  
熏中酒心情怕杯勺尋思舊京洛正年少疏狂歌  
笑迷著障泥油壁催梳掠曾馳道同載上林攜手燈  
夜初過早共約又爭信漂泊寂寞念行樂甚粉淡  
衣襟音斷絃索瓊枝壁月春如昨悵別後華表那回  
雙鶴相思除是向醉裏暫忘卻

又

綺霞散空碧留晴向晚東風裏天氣困人時節鞦韆  
閉深院簾旌翠波颭窗影殘紅一線春光巧花臉柳  
腰勾引芳菲鬧鶯燕閑愁費消遣想蛾綠輕暈鸞  
鑑新怨單衣欲試寒猶淺羞衾鳳空展塞鴻難託誰  
問潛寬舊帶眼念人似天遠迷戀畫堂宴看最樂  
王孫濃豔爭勸蘭膏寶篆春宵短擁檀板低唱玉杯  
重暖衆中先醉慢倚檻早夢見

念奴嬌

江天雨霽正露荷擎翠風槐搖綠試問秦樓今夜裏  
愁到闌干幾曲笑撚黃花重題紅葉無奈歸期促暮  
雲千里桂花初綻寒玉有誰伴我淒涼除非分付  
與杯中醺醪水本無情山又遠回首煙波雲木夢繞  
西園魂飛南浦自古情難足舊遊何處落霞空映孤  
鷺

又丁卯上巳燕集葉尚書蕊香堂賞海棠卽席

賦之

蕊香深處逢上巳生怕花飛紅雨萬點臙脂遮翠袖  
誰識黃昏凝佇燒燭呈妝傳杯繞檻莫放春歸去垂  
絲無語見人卻似羞妒修禊當時今日羣賢絃管  
裏英姿如許寶靨羅衣應未有許多陽臺神女氣湧  
三山醉聽五鼓休更分今古壺中天地大家著意留  
住

又代洛濱次石林韻

吳淞初冷記垂虹南望殘日西沈秋入青冥三萬頃  
蟾影吞盡湖陰玉斧爲誰冰輪如許宮闕想寒深入  
間奇觀古今豪士悲吟蒼弁丹顏仙翁淮山風露  
底曾賦幽尋老去專城仍好客時擁歌吹登臨坐揖

龍江舉杯相屬桂子落波心一聲猿嘯醉來虛籟千  
林

又題徐明叔海月吟笛圖

秋風萬里湛銀潢清影冰輪寒色八月靈槎乘興去  
織女機邊爲客山擁雞林江澄鴨綠四顧滄溟窄醉  
來橫吹數聲悲憤誰測飄蕩貝闕珠宮羣龍驚睡  
起馮夷波激雲氣蒼茫吟嘯處鼉吼鯨奔天黑回首  
當時蓬萊方丈好箇歸消息而今圖畫慢教千甲傳  
得

又

寒綃素壁露華濃羣玉峯巒如洗明鏡池開秋水淨  
冷浸一天空翠荷芰波生菰蒲風動驚起魚龍戲山  
河影裏十分光照人世誰似老子癡頑胡牀軟坐  
自引壺觴醉醉裏悲歌歌未徹屋角烏飛星墜對影  
三人停杯一問誰解騎鯨意玉京何處翠樓空鎖十  
二

又己卯中秋和陳丈少卿韻

垂虹望極掃太虛纖翳明河翻雪一碧天光波萬頃  
湧出廣寒宮闕好事浮家不辭百里俱載如花頰琴  
高雙鯉鼎來同醉孤絕浩蕩今夕風煙人間天上

別似尋常月陶冶三高千古恨賞我中秋清節八十  
仙翁雅宜圖畫寫取橫江櫂平生奇觀夢回猶竦毛  
髮

石州慢

寒水依痕春意漸回沙際煙闊溪梅晴照生香冷蕊  
數枝爭發天涯舊恨試看幾許消魂長亭門外山重  
疊不盡眼中青是愁來時節情切畫樓深閉想見  
東風暗銷肌雪辜負枕前雲雨尊前花月心期切處  
更有多少淒涼殷勤留與歸時說到得再相逢恰經  
年離別

又己酉秋吳興舟中

雨急雲飛瞥然驚散暮天涼月誰家疏柳低迷幾點  
流螢明滅夜帆風駛滿湖煙水蒼茫菰蒲零亂秋聲  
咽夢斷酒醒時倚危檣清絕心折長庚光怒羣盜  
縱橫逆胡猖獗欲挽天河一洗中原膏血兩宮何處  
塞垣祗隔長江唾壺空擊悲歌缺萬里想龍沙泣孤  
臣吳越

永遇樂宿鷗盟軒

月仄金盆江縈羅帶涼颼天際摩詰丹青營邱平遠  
一望窮千里白鷗盟在黃梁夢破投老此心如水耿

無眠披衣顧影乍聞繞階絡緯 百年倦客三生習  
氣今古到頭誰是夜色蒼茫浮雲滅沒舉世方熟寐  
誰人著眼放神入極逸想寄塵寰外獨凭闌雞鳴日  
上海山霧起

又爲洛濱橫山作

飛觀橫空衆山繞旬江面相照曲檻披風虛簷挂月  
據盡登臨要有時巾屨訪公良夜坐我半天林杪攬  
浮邱飄飄衣袂相與似遊蓬島 主人勝度文章英  
妙合住北扉西沼何事十年風灑露沐不厭江山好  
曲屏端有吹簫人在同倚暮雲清曉乘除了人間寵  
辱付之一笑

八聲甘州 陪筠翁小酌橫山閣

倚凌空飛觀展營邱臥軸恍移時漸微雲點綴參橫  
斗轉野闊天垂草樹縈迴島嶼杳靄數峯低共一尊  
明月顧影爲誰 俯仰乾坤今古正嫩涼生處濃露  
初霏據胡牀殘夜唯我與公知念老去風流未減見  
向來人物幾興衰身常健何妨遊戲莫問悽遲

又西湖有感寄劉晞顏

記當年共飲醉畫船搖碧甯花釵問蒼顏華髮煙蓑  
雨笠何事重來看盡人情物態冷眼只堪哈賴有西

湖在洗我塵埃 夜久波光山色間  
淡妝濃抹冰鑑雲開東湖頭千丈  
江海兩崔嵬曉涼生荷香撲面洒  
天邊風露逼襟懷誰同賞通宵無  
寐斜月低回

水調歌頭同徐師川泛太湖舟中作

落景下青嶂高浪卷滄洲平生頗  
慣江海掀舞木蘭舟百二山河空  
壯底事中原塵漲喪亂幾時休澤  
畔行吟處天地一沙鷗想元龍猶  
高臥百尺樓臨風酌酒堪笑談話  
覓封侯老去英雄不見惟與漁樵  
爲伴回首得無憂莫道三伏熱便  
是五湖秋

又和薌林居士中秋

閨餘有何好一歲兩中秋滕王高  
閣曾醉月湧大江流今夜釣龍臺  
上還是當時逢閨佳句記英遊看  
山兼看月登閣復登樓別離久今  
古恨大刀頭老來常是清夢宛在  
舊神州遐想薌林風味甕裏自傾  
春色不用貲貂裘笑我成何事搔  
首慢私憂

又陪福帥讌集口占以授官奴

縹緲九重閣壯觀在人間涼飈乍  
起四圍晴黛入闌干已過中秋時  
候便是菊花重九爲壽一尊歡今古  
登高意玉帳正清閒引三巴連五  
嶺控百蠻元成小隊舊遊曾記並  
龍山閩嶠尤寬南顧聞道天邊雨

露持橐詔新頒且擁笙歌醉廊廟更徐還

又

平日幾經過重到更留連黃塵烏帽覺來眼界忽醒  
然坐見如雲秋稼莫問雞蟲得失鴻鵠下翩翩四海  
九州大何地著飛仙 吸湖光吞蟾影倚天圓胸中  
萬頃空曠清夜炯無眠要識世間閒處自有尊前深  
趣且唱釣魚船調鼎他年事妙手看烹鮮

又

雨斷翻驚浪山暝擁歸雲麥秋天氣聊泛征棹泊江  
村不羨腰間金印卻愛吾廬高枕無事閉柴門搔首  
煙波上老去任乾坤 白綸巾玉麈尾一杯春性靈  
陶冶我輩猶要箇中人莫變姓名吳市且向漁樵爭  
席與世共浮沈目送飛鴻去何用畫麒麟

又

露下菱歌遠螢傍藕花流臨溪堂上望中依舊柳邊  
洲晚暑冰肌沾汗新浴香綿撲粉湘簾月華浮長記  
開朱戶不寐待歸舟 恍重來思往事攪離愁天涯  
何處未應容易此生休莫問吳霜點鬢細與蠻牋封  
恨相見轉綢繆雲雨陽臺夢河漢鵲橋秋

又癸酉虎邱中秋

萬里冰輪滿千丈玉盤浮廣寒宮殿西望湖海冷光  
流掃盡長空纖翳散亂疏林清影風露迫人愁徐步  
行歌去危坐口眠休問孤篷緣底事苦淹留倦遊  
回首向來雲臥兩星周此夜此生長好明月明年何  
處歸興在南州老境一僖父異縣四中秋

又贈汪秀才

袖手看飛雪高臥過殘冬飄然底事春到先我逐孤  
鴻挾取筆端風雨快寫胸中邱壑不肯下樊籠大笑  
了今古乘興便西東一尊酒知何處又相逢奴星  
結柳與君同送五家窮好是橘封千戶正恐樓高百  
尺湖海有元龍目光在牛背馬耳射東風

又

今夕定何夕秋水滿東甌悲涼懷抱何事還倍去年  
愁萬里碧空如洗寒浸十分明月簾捲玉波流非是  
經年別一歲雨中秋坐中庭風露下冷颼颼素娥  
無語相對尊酒且遲留琴罷不堪幽怨遙想三山影  
外人倚夜深樓矯首望霄漢雲海路悠悠

又爲趙端禮作

最樂賢王子今歲好中秋夜深珠履舉杯相屬盡名  
流宿雨乍開銀漢洗出玉蟾秋色人在廣寒遊浩蕩

山河影徧照岳陽樓 露華濃君恩重判扶頭霓旌  
星節已隨絲管下皇州滿座燭光花豔笑冒烏巾同  
醉誰問負薪裘月轉簷牙曉高枕更無憂

又追和

舉手釣鼇客削迹種瓜侯重來吳會三伏行見五湖  
秋耳畔風波搖蕩身外功名飄忽何路射旄頭孤負  
男兒志悵望故園愁 夢中原揮老淚徧南州元龍  
湖海豪氣百尺臥高樓短髮霜黏兩鬢清夜盆傾一  
雨喜聽瓦鳴溝猶有壯心在付與百川流

又

放浪形骸外憔悴山澤癯倒冠落佩此心不待白髭  
鬚聊復脫身鷁鷺未暇先尋水竹矯首漢庭疏長夏  
啖丹荔雨紀傲閑居 忽風飄連雨打向西湖藕花  
深處尚能同載麴生無聽子談天舌本澆我書空胸  
次醉臥踏冰壺畢竟凌煙像何似輞川圖

又丁丑春與鍾離少翁張元鑒登垂虹

挂策松江上舉酒酌三高此生飄蕩往來身世兩徒  
勞長羨五湖煙艇好是秋風鱸膾笠澤久蓬蒿想像  
英靈在千古傲雲濤 俯滄波舌空曠恍神交解衣  
盤礴政須一笑屬奇曹洗盡人間塵土掃去胸中冰

炭痛飲讀離騷縱有垂天翼何用釣連鰲

又送呂居仁召赴行在所

戎虜亂中夏星歷一周天于戈未定悲咤河洛尚腥羶萬里兩宮無路政仰君王神武願數中興年吾道尊洙泗何暇議伊川 呂公子三世相在淩煙詩名獨步焉用兒輩更毛箋好去承明讜論照映金狨帶穩恩與荔枝偏回首東山路池閣醉雙蓮

風流子政和間過延平雙谿閣落成席上賦

飛觀插彫梁憑虛起縹緲五雲鄉對山滴翠嵐兩眉濃黛水分雙派滿眼波光曲闌外汀煙輕冉冉莎草細茫茫無數釣舟最宜煙雨有如圖畫渾似瀟湘使君行樂處秦箏弄哀怨雲鬢分行心醉一缸春色滿座凝香有天涯倦客尊前回回首聽徹伊州惱損柔腸不似碧潭雙劍猶解相將

魚遊春水

芳洲生蘋芷宿雨收晴浮暖翠煙光如洗幾片花飛點淚清鏡空餘白髮添新恨誰傳紅綾寄溪漲岸痕浪吞沙尾 老去情懷易醉十二闌干慵徧倚雙鳬人慣風流功名萬里夢想濃妝碧雲邊目斷孤帆夕陽裏何時送客更臨春水